

大慧普覺禪師讚佛祖卷第十二

感二

徑山能仁禪院住持嗣法慧日禪師巨蘊門上達

釋迦出山相

正覺山前折却本三七日內心頭悶却來鹿苑討便宜好與搜翻椎一頓

文殊問疾

居士何曾病是病因間有兩眼對兩眼世醫

咸拱手

觀音大士

過去正法明現前觀自在眼觀諸音聲耳聽

衆妙色二義俱寂滅誰受此說者是說亦寂滅誰爲此說者能觀及所觀能聽洎所聽返觀觀聽者是亦無所有大哉觀世音快說如是法是法不思議聽者亦希有我今以一毛徧量法界空作此如幻言讚是真實相入定觀音

世間種種音聲衆以耳聽非目覩唯此大士眼能觀瞑目諦觀爲佛事於眼境界無所取耳鼻舌身意亦然善哉心洞十方空六根互顯如是義眼色耳聲鼻艷香身觸意思無

差別當以此觀如是觀取此爲實成妄想若離妄想取實法展轉惑亂失本心本心既失

隨顛倒不見大士妙色身無眼耳鼻舌身意互顯之義亦寂滅亦無大士妙色身亦無種種音聲相佛子能作如是觀永離世間生死

默坐半百春無喜亦無瞋東西行七步抖擗舊精神初祖達磨大師

來時已沒當門齒去時唯有一隻履葱嶺那邊逢宋雲十分彰露醜舉止

傳大士

天上無彌勒地下無彌勒拍板與門槌畢竟

卷二

是何物

六祖大鑑禪師

擔柴賣火村裏漢舌本瀾翻不柰何自道來

苦
維摩居士

冷坐毗耶城百病一時發不得文殊來幾乎

無合殺

九祖伏駄密多尊者

時元沒口却能平地起風波

李長者

以一毛端看徧量法界空智空無自性空智

在其中

龐居士

男女不婚嫁隨緣賣笊籬這般滋味子豈與

外人知

趙州和尚

庭枯無根虛空有骨十分魯鈍似達天鵠熱

至乘涼寒燒槔榶夫是之謂趙州古佛

船子和尚

驀口一橈玄路絕樂山之遠始流傳離鉤三
寸無消息覺海方乘般若船

臨濟和尚

稱鎌上捏出汁枯骨裏擎出髓全無些子蘊

藉一味賣弄口觜更說甚麼三要三玄四種

料揀大似青天白日十字街頭見神見鬼咄

雲門和尚

開雪峯口出睦州氣袖手儼然耽耽虎視我

說是言有語無義石火電光咄哉鈍滯伽梨

勑率知是誰有人續得末後句許你親見渠
儂

布袋和尚

二

三千威儀都不修八萬細行渾不顧只因鬧
市等箇人被人喚作破落戶兜率內院久拖
難縱歸迷却來時路稽首彌勒世尊得恁寃

腸大肚

肩擔一條吉擦棒棒頭挂雙破木履盡力撮
却布袋口不知裏許有甚底落落魄闊閑市
行嘉嘉苴苴沒羞恥龍華會上若逢渠定與

椎落當門齒

金華聖者

金華聖者誰識撞著猪頭便喫雖然無愛無
憎其奈有損有益使得破落僧徒也道逆行
順行天莫測若無末後一著至今有口難分
析

南安嚴主

贈以之中語咸云祕密言誰知此老子非妙
亦非玄直截不藏覆鑒機火裏達誰人明此
意端坐自擎拳

言法華

旋陀羅尼三昧語默元無量疑攬衣著後走
街剛被時人笑怪問伊住止何處向道我儂
弗會進前擬議思量咄哉漆桶不快

雪竇明覺禪師

卷二

太湖三萬六千頃之渺茫即師之口也洞庭

七十二朵之巍峨即師之舌也不動口不
搖舌已說現說當說無少無剩也回狂瀾起
既倒活必死之疾於膏肓即師荷擔大法而
主盟此道也至於飛鯢鵬於羃絲窠中置須

彌盧於蟻瞑睫上而無寬曠迫隘之量也我
生師之後而不識師今觀師之遺像而作是
言者蓋欲一類闡提半道凡夫與夫敗善根非
器衆生使其知有吾門單傳直指之妙而已
也

楊歧和尚

異類中行拖犁拽耙栗棘金圈是何言話

白雲端和尚

二

少處更減多處又添達磨不會却反西天
飢餐渴飲閑坐困眠亦手殺人血滅梵天

五祖演和尚二

赤骨力地有襠無袴敢與海神爭先鬪富
說大脫空荷擔佛祖七八圓全不成二五村
歌社舞可憐生引得兒孫弄泥土

西余端和尚

被底禮寅朝去住隨風掃名呼章相公侮慢
圓照老不托和尚兩拳打翻回頭妖僧一句
罵倒只看這幾著子不必問佗禪道箇是金
毛師子見狐狸野干徒叫譟

慧日雅和尚

嵌嵌枯枯磊磊落落嗚叱咤萬人氣索宴
坐胡牀傾湫倒獄秉殺活劒解生死縛不墮
塵緣寧居寂寞豁開濟北三要三玄提持開
西末後一著慧日之影沈姑噦泥牛觸折祥
鱗角

寂音尊者覺

頭如杓面如牒口無舌說無竭是而非同而
別種空華抽暗楔死木蛇活如蝎擊塗毒腦
門裂是阿誰甘露滅

草堂清和尚

凜凜孤風世所稀碧眸烟炯電光輝貧兒示

與衣中寶富者教伊赤體歸毒手慣會烹佛

祖洪鑪常用大鉗鎌小根魔子還知否此是

吾家真白眉

圓悟和尚三

道大德備之詞讚師之真此處無金二兩俗
人酤酒三升超佛越祖之談讚師之禪削圓
方竹杖靴却紫茸既無可諭無可說正是守
著繫驢橛那堪更言七坐道場三奉詔旨大
似鄭州出曹門且喜沒交涉降此之外畢竟

如何江南兩浙春寒秋熱寄語諸方不要銳
舌

風雷爲舌虛空爲口應羣生機作師子吼眼
光燦破四天下驚起法身藏北斗箇是揚歧
嫡孫喝下須彌倒走

這老漢無置錐之地而不貧有無價之寶而
不富覩衆善而不欣遇諸惡而不怖一著當
陽全提要且秋毫不露有時石火裏藏身却
向電影中回互塞却臨濟三玄門截斷巖頭

末後句

普融平和尚

示無作相擊塗毒鼓行無緣慈誅佛誅祖如
是見得普融妙喜未敢相許直下來也如龍
似虎一槌打破太虛空至今一缺無人補

長靈卓和尚

厚重如山嚴冷似鐵破毗盧卽坐衲僧舌派
出靈源源清流徹指曜靈寒呼顧兔熱謂此
是長靈眼中重著屑謂此非長靈知君猶未
瞥是耶非耶俱爲剩說真耶妄耶水中捉月
而今要見這老人剔起眉毛須辨別嘉州大

像喫一槌陝府鐵牛流出血

佛性泰和尚

慣說五家宗派禪不將玄妙與人傳晚年

處真奇特食罷長伸兩脚眠

佛燈珣和尚

天姿出格蕭灑^{第二}曾次過人惺惺臨濟頂中髓
楊歧眼裏睛棒頭明殺活喝下顯蹠親孤鸞
無伴侣師子不同羣鍾山佛鑑之嫡子雙徑
山僧之法兄

竹菴珪和尚

讚歎竹菴也是妙喜罵詈竹菴也是妙喜讚
之罵之各有所以讚之者爲渠具衲僧正眼
罵之者爲渠浸在醋甕裏或曰如竹菴之爲
宗師也不可讚不可罵精金美玉自有定價

讚之罵之徒增詬撏妙喜聞之笑而不答但
拊掌叩齒三下從教渠鑽龜打瓦

天童覺和尚

天之宮而無作無爲神澄定靈雪頂庵眉良
工幻出奇不許僧繇知虛堂張挂奇梁寶公
猶迷箇是天童老古錐妙喜知音更有誰
普明琳和尚

觸處無礙得大自在達磨脊梁釋迦腦蓋夫
是之謂普明老人敢與諸塵作對者也

大慧普覺禪師讚佛祖終

大慧普覺禪師自讚

李參政請讚漢老

烹佛烹祖大鑪鞴鋟凡鋟聖惡鉗鍊起曹洞
於已墮之際針膏盲於必死之時善說法要
因涉離微不起于座而變荆棘林爲梵釋龍

這漢沒量罪過不合引惹指大被渠笑裏藏

刀殺却吾祖達磨不知有底冤讐一向興災
作禍果上座諾惺惺著莫教話墮

吳提刑請讚

元昭

這箇村和尚少人能近傍黑漆麤竹箆佛來

底二

也一棒沒煞毫人情有萬千無狀慈悲時觀音
菩薩之所不如瞋恚時阿脩羅王亦難比
況世上可憎可惡者是這般底阿師如何也

有人畫渠供養

鄭學士請讚

尚明

參得圓悟禪擔起睦州版遙過祖師關暗却

頂門眼肚裏黑漫漫心中平坦坦性氣得人
憎發時渾不管鞏縣茶餅喫一瓣擊碎饒州
白笠盞

蔡郎中請讚

子應

賦性暴舉止傲說甚禪談甚道有箇沒意智
獃郎隨例妄想顛倒蔡郎中還見麼若也當
面諱却便是監主自盜

蔡宣教請讚

正卿

手裏指東畫西口中胡說亂道一生慣打罵
藤天真不屬做造有箇蔡正卿時特來著到

水流濕火就燥馬面圓圓隨人所好

蔡宣教請讚

春

咄哉無知半憨半癡黑豆換人眼睛十分愛
討便宜一朝死入地獄定墮鑊湯泥犁佛也
救你不得任你鳳林吒之

儲大夫請讚

唐

達里悉利蘇盧

趙通判請讚

春

謂汝是善人耶嫉惡之太甚謂汝是惡人耶
好賢而樂善而於善惡兩塗之間了無遺恨
嘆好箇自是漢高談無畔岸成佛作祖且緩

緩這一則公案分付趙通判

許司理請讚

壽源

密

堪不搖處正好著力欲識吾真爲陰界入一
毛端頭師子返擲赤肉團上萬物壁立沖寥
跡蹤蹤無便塗糊一時分付儲大夫唵摩尼
湛然知不知鐵牛生得玉猫兒

廖知縣請讚

繹

我讚我真孰能委悉火風煙動地水堅濕俱
屬現量擬心則失就而明之是妄非實背而
捐之土木瓦石吾說是言如箭射的離此別
求幻惑無識

朱主簿請讚

龐老曾升馬祖堂西江吸盡更無雙而今妙
喜朱居士覲面分明不覆藏

聞監務請讚

清子

謂汝太惺惺時復放漚漚謂汝太褊急間或

又容物既作人天師開口便輕忽莊嚴賢劫
中且無如此佛寄語聞子清莫信這箇賊

唐道人請讚

這尊慈無摸揀忽地喜忽地惡喜也和氣如
春百華開萼怒也雷電風雲一時俱作似忘

忘二

麼做處若非阿脩羅王即是金僊大覺唐道

人緊收却逢人不用展開卷來送在壁角

江令人請讚

少明宅

渠本宣州人生緣在寧國前不尊釋迦後不
敬彌勒家貧無飯噇出家去投佛行腳走諸

方江南徧江北纔參臨濟禪便作白拈賊眼

裏有瞳人肚中無點墨還如跛阿師說得行不得

無著道人請讚

汝求吾之讚復讚吾之真大海絕消滴須彌

無一塵以許爲直而非直以察爲明而非明
象王回旋師子顰呻性不可會瞽喜瞽瞋與
佛祖爲冤敵與魔外爲親姻自是其是而人
不汝是自神其神而人不汝神如此爲人善

知識少喫酸醋三五升

超宗道人請讚

一條白棒佛祖俱打超宗禪人大膽不怕畫我來乞讚鬼門上帖卦三十年後此詰大行任一切人鑽龜打瓦

舟峯長老求讚

卷二

十一

蕭蕭灑灑有取有捨嘉嘉直直無真無假客來須看賊來須打一條竹篦天上天下背觸當鋒任人酬價咄哉村僧少說大話龜年收取挂高堂從佗讚歎從佗罵

鼎需禪人求讚

身心一如身外無餘咄這瞎驢付與罪需
蘊聞禪人請讚

蘊聞聞自性自性離聞蘊吾真亦復然迥超

千聖頂

用宣禪人請讚

宣傳吾真吾爲宣說貶上眉毛大巧若拙

思岳禪人求讚

兩耳卓聳口門窄兩眼皮薄鼻露竅一生舌

本謾翻何曾唱得胡家調

悟本禪人求讚

一千七百癡杓子圍遠這箇無明叟細膩渾
沒一星兒麤慥却有七八斗未嘗寂寂入禪
定終日波波廊下走爲人巴鼻亦好笑更不
容人謾開口肯枷瞎棒當慈悲是與不是勞
脊妻上舉如斯主法作宗師枉續牟尼子孫後

本禪千萬莫學伊學伊和你不唧溜

法寶禪人求讚

這無狀世間稀住佛屋著佛衣噇佛飯說佛
非多忿怒少慈悲畫得似差毫釐寶禪者應

自知

守淨禪人求讚

瞋恚癡未除心意識顛倒談禪信口開舌頭
胡亂掃其施汝者不名福田供養汝者墮三
惡道箇是雲門村僧即非杜撰長老

邊璞禪人求讚

臨濟燒黃檗禪板香嚴天鵝山拄杖雲門村
底二
叟效顰也作這般伎倆作麼生是這般伎倆

咄

傳來鐵鉢盛貓飯磨衲袈裟入墨盆粗翁

活計都壞了不知將底付兒孫

僧鶴禪人求讚

這漢一生空伍彊偏向人前放賴頑泥槃路
上栽荆棘解脫門前緊著關不別法身三種
病豈識楞嚴義八還謾把少林無孔苗等閑
吹過汨羅灣

正言禪人求讚

虛空裏揣出骨閃電中作窠窟有問妙喜家
風此外更無別物

粗傳禪人求讚

嘉苴全似川僧蒲灑潭如浙客偏向情未生
時拈出報應一隔尊性不定莫可窺測見小

時嫌蟻螟眼太窄見大時謂太虛空忘窄似這般底阿師如何受人天供養好與劈腮一摑

妙道禪人求讚

這村僧無明大少柔和多褊隘愛罵人舌頭快受佛蔭破佛戒不精進常懈怠謗般若彌天罪入地獄永不悔聞者憎見者怪攬叢林尤叵耐虛銷信施三十年異世出頭償夙債就中只有一處長解道難嶼洋無蓋
沖密禪人求讚

佛祖有密語有說即不密密禪盡吾真密意已漏泄如折栴檀香片片體非別密意在其中密亦如是說

文俊禪人求讚

咄這擔版漢從來未所知曾經一頓飽忘却累年飢動便觸人諱拍盲不識時平生沒活計亦手討便宜

如本禪人求讚

真妄妄兩孤作對待未偏枯水凌虛而風靜芳月非無即妄即真未毒藥與醍醐到此

誰人識得渠

法宏禪人求讚

不會動著舌頭葛藤已徧天下等閑一擊虛空隨手便成縫罅法宏貌得吾真彷彿鎮州

普化我今寫讚上頭要作叢林佳話

德光禪人求讚

有德必有光其光無間隔名實要相稱非青黃赤白參徹佛祖頂領禪不是等閑相誑嚇我所參得底只要涅槃堂裏用且不聽杜撰禪師三千八百畫吾爲作證明佗年將做執

格

若懷首座求讚歸洋嶼菴

吾於閩有大因緣夜夢晝思無間然佗日定歸洋嶼去楞伽室內作終焉

雪峯空長老求讚

庚三

十四

慧空抓著吾痒處吾嘗劄著伊痛處痛處痒

痺處痛不與千聖同途豈與衲僧共用莫言掃帚竹裏無錢筒萬枝叢裏無渠棟雖然家醜不可外揚也要諸方眼目定勳而今各自不得已一任畫出遮般不唧溜底老凍艷但

將懸向壁角落頭使來者瞻之仰之晝夜六時燒兜樓婆畢力迦沈水栴檀之香作七代

祖翁之供

師招長老求讚

畫得百千本都盧祇這是師招好承當楊政

第七世

禪人求讚

四

咄哉滅胡種面目真可惡過橋便折橋得路

便塞路雖欲彊柔和畢竟觸人怒萬事類如

此誰敢相親附乞兒囊本空常誇敵國富聞

說閻羅王未免生怕怖休更放大言嫌佛不肯做

鄒搜欵似天然棄輕輕觸著便煩惱身著如來三事衣口中謗佛法僧寶從來纖芥不與人一毫不就或二作人討轍然合眼入黃泉定須

詰諭閻羅老

或二

上

上無片瓦蓋頭下無卓錐之地赤骨體箇渾

身與人爭甚閑氣些子無明不奈何說甚祖

師西來意

鐵蛇在握毒氣爍爍擬議不來劈口便著

秉炬入塔

爲彥維那下火

這箇上座了五蘊性空悟諸法無我纔覺四大乘違知是收因結果預於三兩日前洗浴剃頭親寫遺言間我乞一把火不顧頂後萬

里神光豈戀目前玄關金鎖無明業識癡圓

一一從頭點過如此了事衲僧世間能有幾箇彥維那既恁麼更有一事須說破若到天

台鴈蕩遊傳語嵩山破竈墮

爲充禪人下火充平日唯頂一大笠

唱兩唱三唱貴亦不賣賤亦不賣畢竟如何
打與充禪同入火光三昧

爲法燈監寺下火

以火炬指龕云這箇是已滅底法燈復舉起
火炬云這箇是無漏底智火無漏智火然法

人人皆有四大充禪獨有五大地水火風之
餘更有一枚笠大此笠內室外空内外空包
含欲界色界無色界說甚須彌鐵圍江河大
海萬象森羅總在裏許無迫無隘而今四大
已乘張唯有笠大鎮長在這笠大甚奇怪、

燈然也滅也無不可燈監寺還知麼灰飛煙滅後優曇華一朶

爲超禪人下火

山下麥黃蠶已斷一隊死人送活漢活人身似鐵金剛即今再入紅爐鍛

爲月禪人入塔

捲起骨云靈山話月曹谿指月妙喜今朝捲月子細窮究將來一時未得勦絕何以故却被這箇阿師盡把機關漏泄既漏泄看看又是中秋節無物堪比倫教渠自家說

爲益照二禪人入塔

呈起左手骨云這箇是眉州益呈起右手臂云這箇是饒州照一人會禪一人會教雖然各自行畢竟同時到且道同時到底事作麼生誰家別館池塘裏一對鴛鴦畫不成

師臨示寂親書遺奏畢侍僧乞留頌師厲聲

曰無頌便死不得也乃大書云

生也只恁麼死也只恁麼有偈與無偈是甚麼熟大

宗師垂語切忌錯會要須識得真實受用

處方證大自在解脫安樂法也隆興甲申

季夏十日紫巖居士張浚書

大慧普覺禪師讚佛祖卷第十二

二

十一

音釋

臤許救切
氣也鼻
篠籜篠側絞切
籬呂支切
笮笮古忽
柵柵柵出柵古忽
柵柵柵當

篠籜篠側絞

切梢枝

卷之三

沒切 槌 樹 橋 橋
本頭也 橋如招切 傷 短棹也 傷謂我為傷
嘉 蘆下切 傷 冬切 吳人 嘉草
嘉 蘆側下切 傷 傷即消切 睞 即葉切 睞
險 嶽嵌巖山 嵙莫經切 睞 目睫也 嵙咸苦
峻 覺覆也 嵙必駕切 睞 落官切 嵙
貌 櫛 櫛柄也 國 國 國 國

永樂北藏

大慧普覺禪師語錄

第一五六册

永樂北藏

大慧普覺禪師語錄

第一五六冊